


Bosna i Hercegovina  
Federacija Bosne i Hercegovine  
Federalno ministarstvo energije, rudarstva i industrije  
Mostar



**Program**  
**utroška sredstava utvrđenih u razdjelu 17. Budžeta Federacije Bosne i**  
**Hercegovine za 2021. godinu Federalnom ministarstvu energije, rudarstva**  
**i industrije „Tekući transferi i drugi tekući rashodi - Subvencije javnim**  
**preduzećima- za uvezivanje radnog staža“**

Mostar, 2021. godine

## 1. UVOD

---

Uspostavljanje stabilnog i efikasnog sistema penzijskog i invalidskog osiguranja ne tiče se samo osoba koje su danas uživaoci penzijskih prava, već i svih onih koji će to postati u narednom periodu, kao i onih koji će u tom periodu biti osigurana lica redovno uplaćujući doprinose u penzijski fond. U procesu naplate doprinosa za PIO/MIO, zapažena je nedisciplinovanost značajnog broja obveznika. Neplaćanje doprinosa obustavlja prava iz penzijskog osiguranja kao i prava iz obaveznog zdravstvenog osiguranja. Stepennaplate doprinosa je od ključne važnosti za funkcionisanje socijalne sigurnosti građana u cijeloj Bosni i Hercegovini. U Federaciji Bosne i Hercegovine postoje specifičnosti koje dodatno usložnjavaju stabilnost penzijskog sistema, kao što su visok stepen sive ekonomije koja rezultira nedovoljnim obuhvatom svih radno aktivnih osoba i nerješeno status penzijskog i invalidskog osiguranja pojedinih kategorija stanovništva. Najveći problem nastaje kada radnici steknu uslove za penziju, ali to pravo ne mogu ostvariti zbog neuplaćenog staža a samim tim ne mogu ostvarivati prava iz penzijsko-invalidskog osiguranja. Kako se radi značajnom socijalnom pitanju Vlada Federacije Bosne i Hercegovine je i u 2021. godini, u razdjelu 17, ekonomski kod 614- Tekući transferi i drugi tekući rashodi, na poziciji „Subvencije javnim preduzećima-za uvezivanje radnog staža“ planirala sredstva za uvezivanje neuplaćenog staža po osnovu PIO/MIO.

## 2. PRAVNI OSNOV

---

- Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine ("Službene novine Federacije BiH", broj 65/13);
- Strategija razvoja drvne industrije Federacije Bosne i Hercegovine za period 2016.-2025. godina („Službene novine Federacije BiH“, broj 70/18);
- Strategija razvoja industrije građevinskog materijala Federacije Bosne i Hercegovine za period 2018.-2025. godine („Službene novine Federacije BiH“, broj 70/18);
- Strategija razvoja metalnog i elektro sektora Federacije Bosne i Hercegovine za period 2016.-2025. godine („Službene novine Federacije BiH“, broj 70/18);
- Akcioni plan za period 2019.-2023. godine za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine (Zaključak V. broj 1239/2018 od 25.10.2018. godine).
- Strategija razvoja namjenske industrije u periodu 2012-2022. godine;
- Srednjoročna strategija razvoja poljoprivrednog sektora Federacije Bosne i Hercegovine sa Akcionim planom („Službene novine Federacije BiH“, broj 47/15).

## 3. ZAKONODAVNI OKVIR PROVOĐENJA PROGRAMA

---

- Budžet Federacije Bosne i Hercegovine za 2021. godinu („Službene novine Federacije Bosne i Hercegovine“, broj 4/21);
- Zakon o izvršavanju Budžeta Federacije Bosne i Hercegovine za 2021. godinu („Službene novine Federacije Bosne i Hercegovine“, broj 4/21);

- Zakon o poljoprivredi („Službene novine Federacije BiH“, br. 88/07, 4/10, 27/12 i 7/13);
- Zakon o finansijskoj konsolidaciji privrednih društava u Federaciji BiH („Službene novine Federacije BiH“, br. 52/14, 36/18 i 54/19).

#### **4. CILJ I NAMJENA PROGRAMA**

---

S obzirom da doprinosi čine jedan od osnovnih izvora finansiranja socijalne zaštite u Bosni i Hercegovini, to Program utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima- za uvezivanje radnog staža“ (u daljem tekstu: Program), ima prvenstveno za cilj penzionisanje zaposlenika kroz finansiranje dijela neizmirenih obaveza preduzeća za zaposlenike koji ostvaruju to pravo.

Raspoloživa sredstva, su grant sredstva i dodjeljuju se za izmirenje dugovanja preduzeća za neuplaćene doprinose samo po osnovu PIO/MIO, zaposlenicima koji su stekli uslove za odlazak u penziju ili će ih steći do dana podnošenja zahtjeva za dodjelu istih, po raspisanom Javnom pozivu.

Rezultat provođenja Programa, je rješavanje socijalnog statusa zaposlenika, kroz penzionisanje.

#### **5. KORISNICI SREDSTAVA**

---

Korisnici sredstava po Programu su javna preduzeća koja su osnovana po Zakonu o privrednim društvima („Službene novine Federacije BiH“, broj 81/15), sa sjedištem u Federaciji Bosne i Hercegovine i čija je primarna/osnovna djelatnost proizvodnja u sljedećim granama industrije:

- Metalna, elektro i automobilska industrija,
- Industrija građevinskog materijala,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija i
- Prehrambena industrija.

Javna preduzeća su preduzeća u kojim Federacija Bosne i Hercegovine ili kantoni imaju udio u vlasništvu najmanje 50% plus jedna dionica.

#### **6. KRITERIJI ZA IZBOR KORISNIKA**

---

Pravo na učešće po ovom Programu i dodjelu grant sredstava imaju preduzeća koja ispunjavaju slijedeće osnovne kriterije:

- 1) da su sa sjedištem u Federaciji Bosne i Hercegovine;
- 2) da se bave djelatnostima definisanim u tački 5. Programa;
- 3) da su u većinskom državnom vlasništvu (u vlasništvu Federacije Bosne i Hercegovine ili kantona najmanje 50% plus jedna dionica);
- 4) da zapošljavaju najmanje 5 zaposlenika (ne odnosi se na preduzeća u stečaju).

Napomena: Pravo učešća po ovom Programu imaju i preduzeća u stečaju, ali ne i preduzeća koja su likvidirana.

Zahtjevi koji ispunjavaju naprijed navedene, osnovne kriterije, ocjenjuju se po obrazcu 1.

#### OBRAZAC 1

KRITERIJI	Mogući broj bodova	Ostvareni broj bodova
<b>Broj zaposlenih u preduzeću</b>		
Broj zaposlenih u preduzeću od 5 do 40	2	
Broj zaposlenih u preduzeću od 41 do 80	4	
Broj zaposlenih u preduzeću od 81 do 100	8	
Broj zaposlenih u preduzeću > 100	10	
<b>Status preduzeća</b>		
Preduzeće u stečaju	6	
Preduzeće nije u stečaju	2	
<b>Broj radnika koji će se penzionisati</b>		
Broj penzionisanih <10	5	
Broj penzionisanih od 10 do 15	7	
Broj penzionisanih od 16 do 30	9	
Broj penzionisanih od 31 do 50	12	
Broj penzionisanih od 51 do 100	15	
Broj penzionisanih > 100	20	
<b>UKUPNO OSTVARENO BODOVA</b>		

## 7. SREDSTVA PREDVIĐENA ZA DODJELU

Sredstva za provođenje ovog Programa utvrđena su Budžetom Federacije Bosne i Hercegovine za 2021. godinu, u razdjelu 17, ekonomski kod 6144, „Tekući transferi i drugi tekući rashodi - Subvencije javnim preduzećima-za uvezivanje radnog staža“ u iznosu od 7.000.000,00 KM.

Navedena sredstva su grant sredstva Federalnog ministarstva energije, rudarstva i industrije (u daljem tekstu: Ministarstvo) i dodjeljivati će se po raspisanom Javnom pozivu.

Dodjela sredstava po ovom Programu biti će regulisana ugovorom o dodjeli grant sredstava, koji se sklapa između Ministarstva sa jedne strane, i korisnika, sa druge strane.

Po ovom Programu ne mogu aplicirati privredna društva koja su bila korisnici grant sredstava dodijeljenih od strane Ministarstva u budžetskoj 2020. godini, kao i prethodnim godinama, u kojima su sredstva dodjeljivana za ove namjene, a koja ista nisu opravdala, odnosno ukoliko neutrošena sredstva nisu vraćena na Jedinствени račun Trezora Federacije Bosne i Hercegovine.

Maksimalan iznos sredstava koji se može odobriti za jedno preduzeće je 500.000,00 KM.

Preduzeća po ovome Programu mogu ostvariti pravo na dodjelu sredstava samo po jednom podnesenom zahtjevu.

## **8. TRAJANJE PROGRAMA**

---

Program traje do utroška sredstava, a najkasnije do kraja fiskalne godine (odnosno do 31.12.2021. godine).

## **9. TIJELA NADLEŽNA ZA PROVOĐENJE PROGRAMA**

---

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo, Federalno ministarstvo finansija/financija, Porezna uprava Federacije Bosne i Hercegovine i Federalni zavod PIO/MIO, svako u okviru svoje nadležnosti.

U svrhu kontrole namjenskog korištenja dodijeljenih sredstava, korisnik je dužan dostaviti Ministarstvu pismeni dokaz od Federalnog zavoda PIO/MIO, sa spiskom zaposlenika, kojim dokazuje da su, po bilo kojem osnovu, stvoreni uslovi za odlazak u penziju navedenih u spisku. Navedeni pismeni dokaz treba dostaviti najkasnije 6 mjeseci od dana uplate grant sredstava.

U slučaju da se dodijeljena grant sredstva ne opravdaju, odnosno ukoliko uplatom sredstava odobrenih po Odluci o dodjeli sredstava radnik nije „otišao“ u penziju, Federalni zavod PIO/MIO će bez odlaganja izvršiti povrat sredstava na Jedinствени račun Trezora Federacije Bosne i Hercegovine po instrukciji Federalnog ministarstva energije, rudarstva i industrije.

## **10. PROVOĐENJE PROGRAMA**

---

Sredstva se dodjeljuju na osnovu raspisanog Javnog poziva. Javnim pozivom se definišu osnovne informacije o Programu: uslovi za učešće u Programu, namjena i iznos grant sredstava koja su na raspolaganju za dodjelu, potrebna dokumentacija koja se prilaže uz zahtjev za dodjelu sredstava, način prijavljivanja, korisnici, rok i mjesto podnošenja prijava, uslovi za prijavu po Programu, postupak provođenja Programa, način prijavljivanja, mehanizmi za praćenje i kontrolu utroška odobrenih sredstava kao i ostale relevantne informacije. Javnim pozivom, od potencijalnih korisnika sredstava, će biti zatražena sljedeća dokumentacija:

1. Zahtjev za dodjelu grant sredstava (na web stranici Ministarstva [www.fmeri.gov.ba](http://www.fmeri.gov.ba) ),
2. Spisak zaposlenika koji sadrži i lični i matični broj osiguranika koji su, po bilo kojem osnovu, ostvarili uslove za odlazak u penziju do dana podnošenja zahtjeva za dodjelu sredstava. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja prava na penziju i iznosom duga samo po osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,
3. Aktuelni izvod iz u sudskog registra (original ne stariji od 30 dana),
4. Statut ili odluka/akt o osnivanju ( ne mora biti ovjereno),
5. Uvjerenje o poreznoj registraciji kod Porezne uprave – ID broj,
6. Uvjerenje o registraciji obveznika poreza na dodanu vrijednost – PDV broj,
7. Obavijest nadležnog zavoda za statistiku o razvrstavanju prema djelatnosti,
8. Lična karta i CIPS potvrda o prebivalištu lica ovlaštenog za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva ( [www.fmeri.gov.ba](http://www.fmeri.gov.ba) ) i kojom se odgovorno lice/preduzeće obavezuje da će po odobrenju grant sredstava, a najkasnije u roku od 6 (šest) mjeseci od dana uplate odobrenih sredstava, izvršiti uplatu sredstava po osnovu duga za ostale doprinose i to za zaposlenike za koje se traže grant sredstva,
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika),osim za preduzeća u stečaju.

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava osim dokumenata za koje je izričito navedeno u kojoj formi se dostavljaju.

Zahtjev za dodjelu sredstava sa potrebnom dokumentacijom po Javnom pozivu, uvezanom i poredanom po tačkama Javnog poziva, podnosi se Ministarstvu, potpisan od strane ovlaštenog lica sa naznakom iz koje grane industrije se traže sredstva (Metalna, elektro i automobilska industrija; Industrija građevinskog materijala; Drvena, papirna i grafička industrija; Proizvodnja tekstila, kože i obuće, Hemijska industrija i industrije gume i plastike, Namjenska industrija i Prehrambena industrija).

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije, Rješenjem, imenuje Komisiju za pripremu i provođenje poziva za realizaciju Programa utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima- za uvezivanje radnog staža“ (u daljem tekstu:Komisija za selekciju), koja se sastoji od tri člana iz reda zaposlenika Ministarstva.

Javni poziv po ovom Programu biti će raspisan nakon što Vlada Federacije Bosne i Hercegovine usvoji Program, i biti će otvoren 30 dana od dana zadnje objave.

Ukoliko sredstva ne budu utrošena po prvom raspisanom Javnom pozivu, Ministarstvo može raspisati novi Javni poziv, do utroška sredstava.

Komisija za selekciju vrši provjeru formalne ispravnosti dokumentacije, i formalno ispravne zahtjeve prosljeđuje Komisiji za ocjenu, koja razmatra dostavljene zahtjeve i

prateću dokumentaciju, analizira ih i ocjenjuje prema utvrđenim kriterijima u skladu sa tačkom 6. Programa.

Nakon izvršenog ocjenjivanja, Izvještaj sa rang listom koja se formira na osnovu visine dodijeljenih bodova, dostavlja se Komisiji za selekciju koja će na osnovu Programom i Javnim pozivom definisanih kriterija i Poslovníkom o radu Komisije, sačiniti Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i isti dostaviti federalnom ministru energije, rudarstva i industrije. Federalni ministar energije, rudarstva i industrije će, na osnovu dostavljenog Prijedloga rang liste pojedinačnih zahtjeva sa dodijeljenim iznosima novčanih sredstava, uputiti Prijedlog odluke Vladi Federacije Bosne i Hercegovine o izboru korisnika grant sredstava, na usvajanje.

Komisija za selekciju može zatražiti od preduzeća dodatna pojašnjenja i dodatnu dokumentaciju i izvršiti naknadnu verifikaciju podnijete dokumentacije.

Ministarstvo odlučuje o svim naknadnim zahtjevima korisnika za izmjenama uslijed nastupanja neplaniranih okolnosti.

Sve komisije su dužne sačiniti zapisnik.

Podnosioci zahtjeva kojima su odobrena sredstva, pozivaju se na potpisivanje ugovora kojim se preciziraju sva prava i obaveze ugovorenih strana.

## **11. KONTROLA UTROŠKA GRANT SREDSTAVA**

---

Ministarstvo će imenovati i Komisiju za praćenje i evaluaciju namjenskog utroška grant sredstava po Programu.

Zadaci Komisije za praćenje i evaulaciju namjenskog utroška grant sredstava su definisani Programom, Javnim pozivom, Rješenjem o formiranju, te internim aktima koja se donose po potrebi. Komisija za praćenje i evaluaciju namjenskog utroška grant sredstava je dužna sačiniti Zapisnik o utrošku sredstava za svakog korisnika.

Izvještaj o utrošku grant sredstava za 2021. godinu će se putem Ministarstva dostaviti Vladi Federacije Bosne i Hercegovine na razmatranje i usvajanje.

## **12. OBJAVLJIVANJE AKTA**

---

Ministarstvo će ovaj Program, Odluku o usvajanju Programa i Odluku o dodjeli sredstava, objaviti u „Službenim novinama Federacije BiH“ i na web stranici Ministarstva: [www.fmeri.gov.ba](http://www.fmeri.gov.ba)

Ministarstvo će Javni poziv za kandidovanje Programa objaviti u dnevnoj štampi „Večernji list“ i „Dnevni avaz“, te u „Službenim novinama Federacije BiH“, kao i na web stranici Ministarstva: [www.fmeri.gov.ba](http://www.fmeri.gov.ba)

**MINISTAR**

Nermin Džindić